

U skladu sa Poslovnikom o radu Savjetodavnog odbora Treće gimnazije Sarajevo, te saglasnosti Direktorice Treće gimnazije u Sarajevu, Savjetodavni odbor, dana 03. 02. 2025. godine raspisuje:

## **JAVNI POZIV**

**za izbor do 20 (dvadeset) učenika za učešće u Međunarodnom programu razmjene učenika "Miraiba" sa školom Kaichi Nihonbashi Gakuen iz Tokija, Japan.**

### **I. PREDMET JAVNOG POZIVA**

Predmet Javnog poziva je izbor do 20 (dvadeset) učenika Treće gimnazije Sarajevo za učešće u međunarodnom programu razmjene učenika "Miraiba" sa školom iz Japana.

Učenici iz stava 1 ove tačke će učestvovati u pomenutom Programu razmjene kao gosti učenicima u Japanu, te biti domaćini učenicima iz škole Kaichi Nihonbashi Gakuen iz Tokija, Japan.

Izbor učenika će se vršiti u skladu sa posebnim kriterijima koji uključuju uspjeh, vladanje, poznavanje engleskog jezika (utvrdit će se testiranjem) i esej/motivaciono pismo/pjesma/videouradak. Po potrebi Savjetodavni odbor može definisati i dodatne kriterije za izbor učenika koji će učestvovati u Programu.

Kriteriji bodovanja su kako slijedi:

1. Uspjeh u prvom polugodištu školske 2024/2025. godine – od 27 do 30 bodova (prosječna ocjena zaokružena na dvije decimale pomnožena sa 6),
2. Testiranje znanja engleskog jezika – od 0 do 30 bodova,
3. Ocjena eseja/motivacionog pisma/pjesme/videouradak – od 0 do 40 bodova.

### **II. SVRHA I CILJ PROGRAMA**

Svrha Programa je unapređenje međunarodne saradnje Treće gimnazije i vidljivost škole na međunarodnom nivou. Također, Program ima za cilj da pomogne učenicima u vlastitoj nadogradnji kao i da omogući učenicima razmjenu znanja i iskustava sa učenicima u drugim dijelovima svijeta.

Osnovni cilj koji se kroz provedbu Programa je omogućiti da do 20 (dvadeset) učenika Treće gimnazije svake godine ugosti učenike iz Japana, ali i da isti posjete Japan i upoznaju se sa njihovom kulturom, tradicijom, obrazovnim sistemom i industrijom.

### **III. PRAVO NA PRIJAVU**

Pod uvjetima utvrđenim ovim Javnim pozivom pravo na prijavu ostvaruju učenici I (prvog) razreda u školskoj 2024/2025. godini Treće gimnazije u Sarajevu.

Nema ograničenja po pitanju broja prijava po odjeljenju.

### **IV. TEMELJNI PREDUSLOV ZA IZBOR UČENIKA**

Potpisana izjava od strane oba roditelja/staratelja o saglasnosti za finansiranje troškova učešća

učenika u Programu (primjer izjave u prilogu Javnog poziva).

Primjerno vladanje učenika u toku dosadašnjeg školovanja u Trećoj gimnaziji Sarajevo.

## **V. OPĆI KRITERIJI ZA IZBOR**

Učenici trebaju ispunjavati sljedeće opće kriterije:

- a) učenik I (prvog) razreda Treće gimnazije Sarajevo,
- b) primjerno vladanje,
- c) uspjeh u učenju,
- d) poznavanje engleskog jezika.

Provjera ispunjenosti općeg kriterija pod tačkama a), b) i c) vršit će se dostavljanjem odgovarajućeg Uvjerenja izdatog od strane Treće gimnazije Sarajevo, a pod tačkom d) odgovarajućim testiranjem.

## **VI. POSEBNI KRITERIJI ZA IZBOR**

Pored prethodno navedenih općih kriterija, motivacija učenika za učešće u Programu će se cijeliti na osnovu eseja/motivacionog pisma/pjesme/videa koje je obavezan dio prijavne dokumentacije.

## **VII. POTREBNA DOKUMENTACIJA**

Prilikom prijave na ovaj Javni poziv potrebno je da svi podnosioci prijave prilože sljedeću opću dokumentaciju:

1. Čitko popunjen i potpisan Prijavni obrazac koji je sastavni dio ovoga Javnog poziva. Predmetni Prijavni obrazac će se u elektronskoj formi besplatno moći preuzeti s web stranice Treće gimnazije Sarajevo ([www.treca-gimnazija-edu.ba](http://www.treca-gimnazija-edu.ba)) ili u printanoj formi u prostorijama Treće gimnazije Sarajevo. Sastavni dio Prijavnog obrasca predstavlja i izjava oba roditelja/staratelja u kojoj pod punom, moralnom, kaznenom i materijalnom odgovornošću izjavljuje da će snositi troškove učešća učenika u Programu u skladu sa Javnim pozivom raspisanim od strane Treće gimnazije Sarajevo.
2. Uvjerenje o uspjehu na kraju prvog polugodišta školske 2024/2025. godine izdato od strane Treće gimnazije u Sarajevu.
3. Esej/motivaciono pismo/pjesma/videouradak
4. Link sa portfoliom dostaviti na e-mail adresu [meliha.salihovic@treca-gimnazija.edu.ba](mailto:meliha.salihovic@treca-gimnazija.edu.ba)

Prilikom prijave na ovaj Javni poziv potrebno je obratiti pažnju na sljedeće:

1. Ukoliko nije drugačije naznačeno ovim Javnim pozivom, sva navedena dokumentacija treba biti ne starija od šest mjeseci u originalu ili ovjerenjima kopiji.

## **VIII. POSTUPAK PODNOŠENJA PRIJAVE NA JAVNI POZIV**

U roku i na način koji su definirani ovim Javnim pozivom, prijave se podnose u prostorijama Uprave u Trećoj gimnaziji (lično) sa svom potrebnom dokumentacijom utvrđenom tačkom VII. ovoga Javnog poziva.

Adresa za podnošenje prijave je Javna ustanova Treća gimnazija, Vilsonovo šetalište 16, 71000 Sarajevo.

Prilikom zaprimanja prijave po ovom Javnom pozivu, uposlenici će provjeriti formalnu

ispravnost i potpunost tražene dokumentacije i u roku koji ne može biti duži od datuma kada se Javni poziv zaključuje, zatražiti njezinu dopunu ukoliko utvrde da je ista nepotpuna ili otklanjanje formalnih nedostataka ukoliko utvrde da je ista formalno neispravna.

Neće se zaprimati prijave i dokumentacija podnositelja prijave koji ne pohađa Treću gimnaziju Sarajevo. Svaka podnesena prijava će se uredno evidentirati i, po potrebi, izdati dokaz o njenom zaprimanju koji obavezno treba sadržavati datum kada je prijava podnesena, odnosno zaprimljena.

## **IX. POSTUPAK RAZMATRANJA PRIJAVA**

Postupak provjere i kreiranja preliminarnih listi učenika koji ispunjavaju Opće uslove ovog Javnog poziva provodi Savjetodavni odbor

Učenici koji ne budu uvršteni na preliminarnu listu imaju pravo na prigovor. Period u kojem će se moći podnositi prigovori je 5 (pet) radnih dana od dana kreiranja preliminarnih listi.

Nakon provjere ispunjavanja Općih uslova Javnog poziva, Savjetodavni odbor će pozvati pismenim putem i/ili email-om i/ili telefonski učenike koji su uvršteni na preliminarnu listu da pristupe testiranju znanja engleskog jezika.

Nakon testiranja znanja engleskog jezika sačinit će se konačna rang lista učenika koji su izabrani za učešće u Međunarodnom programu razmjene učenika "Miraiba".

Na konačnu rang listu podnosi se prigovor Savjetodavnom odboru Treće gimnazije Sarajevo.

## **X. NAČIN OBJAVLJIVANJA I ROK ZA PODNOŠENJE PRIJAVA**

Integralni tekst ovog Javnog poziva biće objavljen na službenoj web stranici Treće gimnazije Sarajevo.

Rok za podnošenje prijave po ovom Javnom pozivu teče od 03. 02. 2025. godine, do 13. 02. 2025. godine.

Savjetodavni odbor nema obavezu vraćati dokumentaciju zaprimljenu od strane podnositelja prijave po ovom Javnom pozivu.

## **XI. UTVRĐIVANJE KONAČNIH LISTI**

Konačne liste po osnovu ovoga Javnog poziva utvrđuje Savjetodavni odbor na svojoj sjednici nakon žalbenog roka i iste objavljuje na web stranici Treće gimnazije Sarajevo.